

[Habari](#) [Michezo](#) [Makala](#) [Afya](#) [Burudani](#) [Video](#) [Vipindi vya Redio](#)

Israel-Palestine: Mvutano usio wa kawaida kati ya Marekani na Israel wazuka



GETTY IMAGES

| Waziri Mkuu wa Israel ameahidi mashambulizi zaidi Gaza "hadi ushindi kamili."

Mark Lowen

BBC

22 Januari 2024

Waziri Mkuu wa Israel, Benjamin Netanyahu alisema siku ya Ijumaa kuwa ameionya Marekani kuhusu kuanzishwa kwa taifa la Palestina mara baada ya mzozo wa Gaza kumalizika.

Katika mkutano na waandishi wa habari, Netanyahu aliunga mkono mashambulizi yanayofanyika Gaza na kuahidi yataendelea hadi ushindi kamili. Ikiwemo kuiharibu Hamas na kuwarudisha nyumbani watu waliotekwa nyara katika mashambulizi ya Oktoba 7.

"Inaweza kuchukua miezi mingi," alisema.

Takribani Wapalestina 25,000 wameuawa katika Ukanda huo, kwa mujibu wa Wizara ya Afya inayoratibiwa na Hamas, karibu 85% ya watu wamekimbia makazi yao kutokana na vita hivyo.

Israel iko chini ya shinikizo kubwa la kuacha mashambulizi yake na kuanza mazungumzo ya kumaliza vita.

Washirika wa Israel, ikiwa ni pamoja na Marekani wanatoa wito wa kufufuliwa mazungumzo ya kuanzishwa suluhisho la mataifa mawili, la Palestina na taifa la Israel.

Mzozo wa sasa unaweza kulazimisha pande zote mbili kuketi kwenye meza ya mazungumzo, labda ndio chaguo pekee la kumaliza ghasia zisizokwisha katika eneo hilo.

Lakini nia ya Netanyahu Ijumaa hii, iko kinyume kabisa na hilo.

Msemaji wa Baraza la Usalama la Marekani, John Kirby, alikiri kwamba Israel inaona mambo tofauti.

Siku ya Jumanne, Netanyahu alisema Israel inapaswa kuwa na udhibiti wa ardhi yote kutoka Mto Jordan hadi baharini, ambapo inajumuisha eneo la taifa la baadaye la Palestina.

"Hilo ni lazima na linakwenda kinyume na wazo la taifa (la Palestina). "Nitasema ukweli kwa marafiki zetu wa Marekani - nitazuia jaribio lolote ambalo litatishia usalama wa Israeli," waziri mkuu alisema.

Pia Unaweza Kusoma

**Je, ni kweli kuwa
 Hamas iliundwa na
 Israel?**

19 Januari 2024

**Uharibifu wa
 maeneo ya kidini
 huko Gaza**

17 Januari 2024

**Walikuwa macho
 ya Israeli kwenye
 mpaka - lakini
 tahadhari zao...**

15 Januari 2024

Mvutano na Marekani



GETTY IMAGES

| Maandamano ya kupinga mashambulizi ya Israel huko Gaza yamekuwa yakiongezeka kote duniani.

Netanyahu ametumia muda mwingi wa maisha yake ya kisiasa kupinga wazo la taifa la Palestina. Mwezi uliopita alisema anajivunia kuzuia hilo kutokea.

Lakini kukataa hadharani mpango wa kidiplomasia wa Washington na azma ya kuendelea na kampeni ya kijeshi, kunaonyesha jinsi pengo kati ya Israel na washirika wake wa kimataifa linavyozidi kupanuka.

Tangu shambulio la Hamas katika eneo la Israel Oktoba 7 na kusababisha vifo vya watu 1,300 na kuchukua mateka 240, Marekani iliunga mkono Israel na haki yake ya kujilinda.

Huku idadi ya wanaofariki Gaza ikiongezeka na matukio ya kutisha yakiongezeka, serikali za Magharibi zimeitaka Israel kupunguza mashambulizi yake.

Ikulu ya White House imejaribu kushawishi sera ya kijeshi ya Israel; imehimiza matumizi ya silaha zinazolenga shabaha kwa usahihi zaidi badala ya mashambulizi ya anga yasiyo na utaratibu.

Ilipinga uvamizi wa ardhini na inaendelea kutoa wito wa suluhisho la mataifa mawili, na kuipa jukumu Mamlaka ya Palestina kusimamia Gaza vita vitakapomalizika.

Kirby alieleza Marekani imekuwa "wazi kabisa" kuhusu mpango wa Gaza baada ya vita.

"Tunataka serikali Gaza ambayo ni mwakilishi wa matarajio ya watu wa Palestina, ambayo ina usemi katika kile wanachotaka kwa eneo lao na isikaliwe kwa mabavu," alisema.

Ushauri kutoka Washington umepuuzwa na wakati mwingine umekataliwa moja kwa moja na Israel, tena hadharani, wakati wa ziara za Waziri wa Mambo ya Nje wa Marekani Antony Blinken.

Hilo limezidisha mfadhaiko kwa baadhi ya wanasiasa na maafisa huko Washington - juu ya uungaji mkono wa wazi wa utawala wa Biden kwa Israel, na kutolewa wito wa kuwekwa masharti ya msaada wa Marekani kwa mshirika wake huyo wa Mashariki ya Kati.

Pia Unaweza Kusoma

**Silaha nne ambazo
Hamas inazitumia
kupigana na Israel**

11 Januari 2024

**Maafisa wa Israel
wanataka
kuiangamiza Gaza-
Mahakama ya IC...**

11 Januari 2024

**Kuna wakimbizi
wangapi wa
Kipalestina
duniani kote?**

11 Januari 2024

Imetafsiriwa na Rashid Abdallah

Mada zinazohusiana

Israel

Palestina

Marekani

Habari kuu

Moja kwa moja Marekani yawashambulia wanamgambo wanaoungwa mkono na Iran nchini Iraq

Saa 4 zilizopita

Kwanini Chadema inaingia barabarani?

Saa 1 iliyopita

Paul Mackenzie: Kiongozi wa kanisa la 'kufunga hadi kufa' Kenya ashtakiwa kwa kuua bila kukusudia

Gumzo mitandaoni